

HÒMBER DI 70 AÑA DILANTI HUES PA MISHI KU MUCHA

Yu den ròlstul ta sorprendé mama



Shary Anne Mercera a sorprendé su mayornan. Momentu ku e mester a tuma su diploma, el a lanta for di su ròlstul. Tantu e mama komo e tata a presentá na esenario e anochi di entregá di diploma na graduadonan di Liseo Boneriano. Nan no por a dominá nan lágrima, kon kontentu nan ta di mira e yu riba pia pa tuma su diploma.

**Herensia
ku Mayra
Coffie**

Página: 3

**Tin mas ruta
pa yega
Hulanda**

Página: 7

Entrante djasabra

BONERIANO ta estrená
Página Rekreativo ku entre
otro sudoku, buska palabra,
reseta i hopi mas...



Apresio pa Fransje Cicilia



Kor Santa Cicilia a hasi un santu sakrifisio di misa Fransje Cicilia pa ku su salú riba Dia di Tata. Fransje ta militá den e kor e último añanan i a keda kontentu ku e apresio.

Djabièrnè 8 yùli 2022

BONERIANO

Kunuku Kavelvers a despedí di boluntario

KRALENDIJK – Boluntarionan di Kunuku Kavelvers, Rafke i Wessel, ta regresá Hulanda. Pa tres luna nan a atendé ku kachó, shete dia pa siman.

Pero nan no ta bai nan so. E yunan di kachó Yael i Daisy, ta bai huntu ku nan.

Tambe nan a laga sa ku

nan a lansa un kampaña pa rekoudá fondo i a rekoudá un bunita montante pa kontinuá yuda e tim di Kunuku Kavelvers na Hulanda.

Kunuku Kavelvers ta gradisí Rafke i Wessel, nan a hasi un bon trabou. Danki pa tur kos. E kachónan lo sinti nan falta.



Tur loke ta payroll i HR den bo plant'i man!

www.payrollprohrm.com

GET IT ON Google Play

Download on the App Store

Payroll Pro



Rijkdienst Caribisch Nederland
RCN-Unit Sociale Zaken en Werkgelegenheid

BO TIN MESTER DI ARTÍKULO PA SKOL PA YU NA SKOL SEKUNDARIO?

Unidat SZW di RCN por yuda!

Kada aña bo por entregá un petishon pa un kompensashon den gastunan di artíkulo pa skol i unifòrm. Si bo tin un yu, bo por bini na remarke ku un entrada nèto pa luna no mas ku 1254 dòler. Ku dos òf tres i mas yu esaki no por ta mas ku \$1.380 òf \$1.505 nèto pa luna.

Bo por entregá un petishon durante e oranan di konsulta èkstra na Rincon, Antriol i Playa. Tira un bista riba nos wèpsait pa sa e ora ku nos ta den bo barío i kua dokumento bo mester trese. Pa mas informashon por yama nos òf manda un mensahe via di WhatsApp.

Unidat SZW di RCN

Telefòn: +599 715 8845 | WhatsApp: +599 781 0343

E-mail: onderstand@rijksdienstcn.com | www.rijksdienstcn.com



Fo'i tempu ku m'a kuminsá skirbi pa korant na 1976, luna di mart, un di mi promé meta- nan tabata pa siña konosé Boneiru. Topografia (sitionan i nan nòmber), naturalesa, kultura i historia. Tambe konosé hende, sa na unda nan ta biba, algu di nan famia. Di mes tambe siña skirbi, siña kiko ta ortografia i gramátika, bon uso di Papiamentu. Solamente dos òf tres bia m'a yega di sigui un kurso kòrtiku òf tayer di periodista. Tur hende sa kaba ku mi no ta konsiderá mi mes periodista. Mi ta haña ku mi ta un skirbidó di korant, un título ku Aubrey Sealy a yega di duna mi.

No laga nos ku ta traha den media gaña otro i gaña otro hende. Periodista ta otro. Un periodista mester tin bon preparashon, no solamente di e profeshon aki, sino konosementu tambe di Boneiru, region i mundu. Konosementu di Boneiru su historia, kultura i naturalesa ta esensial. Bo mester konosé historia pa bo por komprondé loke ta pasando. Konosementu di historia ta pone ku bo no ta bai skirbi òf bisa kos ku no ta kuadra.

Kasi nunca m'a topa ku un periodista den e kursonan di historia i kultura ku FuHiKuBo ta duna ku regularidat. Di mes nan no ta bini. Nan ta pensa ku nan ta sabí, nan sa tur kos kaba. Kiko Bòl tin di siña nan. Kisas nan tin rason tambe, pero konsekuensia ta ku nan ta papia, puntra i skirbi tur sorto di barbaridat.

Ta tristu skucha kuantu falta di konosementu algun periodista di radio i televishon tin ora ku nan ta entrevistá hende tokante tópikonan di historia i kultura. Nan falta di profundisashon, simplemente pasobra nan no tin masha konosementu i no- shon di nos historia i kultura, tambe di naturalesa, ku kasi semper tin relashon ku e dos materianan aki. Hiba buta, habri mikrófono, papia bai....

Siman pasá mi tabata den e programa 'Pariba di kas' na Radio Bròkèst. Johnny Leoneta a entrevistá mi riba sklabilitut. E tabata sa kon kondusí e entrevista. E sa di e materia. El a sigui kurso di historia – kultura na dos okashon serka nos. E otronan ta sabí kaba. Nan no mester sigui e kursonan aki. SABELOTODO!

Kaso pro forma:

HÒMBER DI 70 AÑA DILANTI HUES PA MISHI KU MUCHA



su defensa.

Daisy Hoyer a fungi komo intérprete.

Por a nota presensia di yu muhé di e akusado, ku tabata basta emoshonal durante tratamentu di e kaso.

Dosié penal

Hues a splika ku e intenshon di e kaso pro forma ta pa wak kon e investigashon ta kanando. Segun fiskal, ya a skucha diferente testigu den e kaso aki. “A papia asta ku hendenan na Hulanda. Esaki tin di aber den esfera familiar p’esei mi no ke menshoná nòmber”, mr.

Rienhart-Martis ta bisa.

“Bo tin planiá ki dia por spera e prosès verbal final?”, hues ta puntra.

“Si tur kos keda kana asin’aki, mi ta ferwagt esaki den 1 luna”, fiskal ta kontestá.

Abogado defensor a trese dilanti ku e investigashon no ta kompleto. “Ainda no tin sufisiente informashon tokante e personalidat di mi kliente”, e ta bisa. E abogado no tabatin otro deseo pa ku e investigashon.

Suspenshon

Ta interesante pa nota ku durante tratamentu di un kaso pro forma na vários okashon ta pidi suspenshon di e aresto preventivo. Hopi bia un abogado defensor ta pidi hues pa laga su kliente den libertat miéntras e ta warda riba tratamentu di su

kaso.

E bia aki esaki no a sedé.

“Pa mi ta sinsero, mi ta haña ta muchu tempran pa hasi un petishon pa suspenshon”, mr. Winkel ta bisa. Hues a dirigí palabra na Pedro. “Bo a tende kaba ku e investigashon ta kanando, i a skucha diferente testigu.

Den e periodo aki no tin masha huisio pues lo dura promé ku atendé bo kaso. Bo tin un último palabra?” “Lokual mi ke bisa ta ku mi no tabatin niun relashon ku e 2 denunsiantenan. Nan ta gaña. E yu di kriansa ku mi tabatin dor ku e ta hasi òn- beskòp m’a pas’e un klap na su atras”, Pedro a bisa.

Korte den Promé Instansia lo atendé e kaso den su kontenido riba 13 di òktober 2022. Riba e potrèt ta mira Pedro W. despues di bandoná sala di korte.

FuHiKuBo ta sigui ku aktividat edukativo

Santana ta kontené hopi historia

KRALENDIJK – Santana ta kontené hopi historia. Djadumingu benidero 10 di yùli Fundashon Históriko Kultural Boneriano (FuHiKuBo) ta sigui ku su ak-

tivitatnan edukativo ku un kaminata a lo largu i den e área di santana di Playa bou di guia di Bòl Antoin, kende atraves di añanan a hasi basta investigashon

riba e santananan aki.

E kaminata ta kuminsá na e sementerio protestant. E nòmber so kaba ta interesante. E palabra ‘santana’ ta referí mas tantu na lugá di dera hende di religion katóliko i otronan. Sementerio protestant, tantu esun na Playa komo Rincon, ta denominá komo kèrhòf. Iglesia protestant ta kèrki i no misa.

E kaminata ta kuminsá na e espasio di stashoná

outo di Bonlab i e ta kuminsá pa mitar di shete mainta. Despues e ta sigui pa e santananan den besindario. Ta drenta e santananan pa mira kosnan interesante. Antoin ta splika tambe tokante morto i ritualnan di entierro di ántes. Pa partisipá mester manda app na telefon 790-9292. Na final tin e sòpi tradishonal. E kaminata ta na idioma papiamentu i hulandes. Pues bi-lingual. Preis ta 15 \$ pa persona.

Herensia ku Mayra Coffie

KRALENDIJK – Awe nochi pa 8’or na Bonaire. tv por mira Mayra Coffie den e programa Herensia. Mayra ta yu di mayornan boneriano, Rincon, pero e mes a nase na Kòrsou, na unda e ta te ainda un personahe konosí.

Resientemente Mayra tabata na Boneiru, na unda Bòl Antoin di FuHiKuBo a papia kuné tokante su bida i karera. Entre otro tokante su mayornan, kon el a lanta na Kòrsou, estudio ku el a hasi na Hulanda.

For di añanan setenta



bini ariba tabata den polítiko komo miembro prominente di MAN.

El a yega di okupá puestonan di diputado i miembro di Konseho Insular di Kòrsou.



Kousando hopi emoshon

KRALENDIJK -- Shary Anne Mercera a sorprendé su mayornan, momentu ku e mester a tuma su diploma, el a lanta for di su ròlstul.

Tantu e mama i e tata a presentá na esenario e ano-

chi di entregá di diploma na graduadonan di Liseo Boneriano. Nan no por a dominá nan lágrima, kon kontentu nan ta di mira e yu riba pia pa tuma su diploma. Públiko a duna un

tremendo aplouso i por a tuma nota mas hende ekspresá nan sentimentu ku e famia. Shary Anne a slag pa MAVO 4 i no ta normal ku ta mir'é riba pia debí na defisiensi fisiko.



OPORTUNIDAT DI TRABOU

Bonaire Communication Services N.V. ta ofresé oportunidat di trabou na un persona, sea maskulino òf femenino, pa hasi trabou di kompaginashon (layout) di korant BONERIANO. Preferibel ku eksperiensia den proramnan di Indesign, Word i Photoshop. Òf a lo ménos un persona ku ta sinti ku e por siña e trabou aki den tempu rápido.

Ademas ta ofresé e persona aki e opshon pa siña traha ku kámara i pa edit programnan simpel pa televishon.

Por manda karta di solisitut na **avisobon@gmail.com**



Programanan di Bonaire.tv

TELBO kanal 70

Flamingo TV kanal 23

Djabièrnè 8 yùli 2022

12.00 Sitionan Marká:

13.00 Aki Boneiru:

15.00 BAPA:

16.00 Aktualidat:

17.00 Aki Boneiru:

18.00 Herensia:

19.00 BAPA:

20.00 Herensia:

21.00 Aki Korsou:

22.00 Herensia:

23.00 BAPA:

Mampariakutu

Kanto Krioyo 2017

Jan Janga - Japi Oleana

Dia di Emansipashon 2

Win Anthony

Emiliano Crestiaan

(Fabrika Di Kalki)

Kanta Orkidia (Lansamentu

CD Nobo)

Mayra Filomena Coffie

Museo di historia natural

di Korsou

Donko Cicilia

Karel Boekhoudt (Super

Dynamic) - Jay Haviser (Bonai)

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.

Djabièrnè 8 yùli 2022



EXITO Bakery

ta buska

un bakker

- mester tin por lo menos 6 aña di eksperiensia

Pa mas inf. yama 717-8822 òf mnd CV na:

exitobakery@gmail.com

PANINO

ta buska

un barista

- mester tin minimo 6 luna di eksperiensia

Pa mas inf. yama 717-6655

KARAKTERÍSTIKANAN DI DIOS

Bo ke siña konosé Dios mas di aserka? Su Palabra mes ta siña nos Ken E ta i Kon Su Karakter ta. Mas bo konosé Dios, mas bo stimashon p'E ta krese i mas lo bo ke obedes'E.

Atributo di Dios:

Omnisiente = Dios sa tur kos – “Grandi ta nos Señor, i abundante den fortaleza; Su komplementu ta infinito.” Salmo 147:5(BS), “O profundidat di e rikesanan, tantu di e sabiduria komo di e konosementu di Dios! Ki inskudriñabel Su huisianan ta i insondabel Su kamindanan!” Romanonan 11:33(BS)

Omnipotente = Dios no tin límite - “Mi sa ku Bo por hasi tur kos, i ku ningun di Bo propósitonan no por wòrdu strobá.” Job 42:2(BS), “i kual ta e grandesa sobresaliente di Su poder pa ku nos ku ta kere, segun e obramentu di e forsa di Su poder” Efesionan 1:19(BS)

Omnipresente = Dios ta tur kaminda na mesun momento – “E wowonan di SEÑOR ta tur kaminda, vigilando malu i bon.” Proverbionan 15:3(BS), “I E ta promé ku tur kos, i den djE tur kos ta konsistí.” Kolosensenan 1:17(BS)

No tin ningun otro dios ku por kompará ni igualá su mes ku E Dios bibu. Tuma tempu meditá riba Su Persona i sigur lo bo keda bendishoná i enkurashá pa kontinuá padilanti den tur e prueba i luchanan sabiendo ken bo Dios ta i kiko E so por hasi.

Bo ta stima Dios di bèrdat? Konos'E mas di aserka! Gilda Beukenboom-Sintjago

Produkshon Trans World Radio

Reunion privá ku sekretario general di Nashonnan Uní

KRALENDIJK -- Presidente di Nos ke Boneiru bèk (NKBB), James Finies i Davika Bissessar presidente di Bonaire Human Rights Organization, a tene un reunion privá importante ku sekretario general di Nashonnan Uní, Antonio Guterres, na kual okashon a splika e situashon di apartheid ku Boneiru ta eksperiensiendo, kaminda Reino Hulandes a violá e status teritorial di Boneiru.

Violando derecho humano di e pueblo, destruí nan kultura, identidat, idioma, poderá di nan rekursonan natural, degradando un pueblo i nashon bunita manera Boneiru pa un entidat públiko, ta den pleno violashon di lei internashonal, mientrastantu promoviendo forman nan nobo di rekolonisashon, dor di manda hulandesnan for di Oropa pa optené siudanía i derecho di voto den

tres luna ku nan ta biba na Boneiru.

Deskriminashon

Finies a informá e sekretario general di Nashonnan Uní ku awe na Boneiru, Reino Hulandes no solamente ta kontrolá nos tera, rikesa i gobièrnu, sino ku ademas ta reina un struktura sosial diskriminatorio, típiko di kolonialismo Hulandes ku a kousa asina tantu daño na humanidat di siglonan 16 pa 19.

Finies: “A redusí e populashon lokal di Boneiru te bou di 40% desde 2010. Den algun dékada mas nos lo a dispersé komo boneria- no komo resultado di manehonan di rekolonisashon implementá pa Reino.”

Dentro di kuadro di e 43 reunion di hefenan di estado i gobièrnu di CARICOM, tené na Paramaribo, Finies a denunciá e maneho di intimidashon ku ta

hibando kontra dje pa Reino Hulandes, ku e ta pone responsabel pa kualke atentado kontra su bida.

Ku Hulanda ta gana

“Mi lucha pa e derecho di e pueblo di Boneiru ta pasífiko i semper lo keda asina,” Finies a reiterá. Un pregunta ku vários bia lidernan di CARICOM ta lansa durante reunionnan, kiko Hulanda tin pa gana. NKBB a informá nan, 200 mia nóutiko di zona eksklusivo ekonómiko di laman Karibe pa eksplotá tur su rekursonan natural.

Poder

Finies a entregá sekretario general di Nashonnan Uní e rapòrt kompleto di e situashon ku Boneiru ta eksperiensiendo, e estudio ‘Investigashon di sufisiensia di propio gobernashon den konformidat ku standardnan internashonalmente



rekonosé:

pais Boneiru’, prepará pa Dr. Corbin i Proyecto di Estudio di Dependensia, ku a establese i konkluí ku kualke proyekshon di Boneiru komo un modelo di demokrasia, ta un ilushon grandi, deficiente na tur normanan di gobernashon demokrátiko.

Sinembargo miéntas ku

kolonialismo ta permanesé ilegal, su ilega-lidat hopi bia ta un asunto di poder, no di hustisia. Finies a gradisí Guterres pa e espasio brindá i a rekonosé su interes den e kaso di Boneiru i e boluntat polítiko mustrá pa e sekretario general di Nashonnan Uní, un hòmbler komprometí na pas i derecho internashonal.

Gezaghebber Rijna:

Bishita fruktífero na Hulanda

KRALENDIJK – Resientemente Kolegio Eheku- tivo den su totalidat a biaha pa Hulanda pa un bishita di trabou. Pa gezaghebber Edison Rijna, e bishita di trabou tabata un fruktífero, durante kua e atendé diferente asunto.

Gezaghebber Rijna durante un enkuentro ku prensa djárasen atardi, a bisa e bishita na Hulanda i na otro sitionan den Europa, a bai bon. “Mi tabata na Bruselas i papia riba diferente

proyekto ku ta andando na Boneiru. Mi a kompañá diputadonan pa partisipá na hopi workshop. Nos a papia di kultura, kambio di klima i mas i mi a papia ku hendenan ku ta forma parti di islanan BES, hendenan ku hopi tempu nos no a topa.”

Tambe, segun gezaghebber Rijna, el a bishitá na Alkmaar i a papia ku algun grupo. A papia tokante e asunto di Sunset i e mediador a presentá su plan na Hulanda i pronto ta bin

ku mas informashon riba esaki. Dia ta kla ta publiká tokante e asunto di rotònde ku aktualmente tin kombersashon riba dje.

Gezaghebber Rijna na final a remarká i aploudí e loke a sosodé na Boneiru miéntas e tabata na Hulanda. “Mi ta kontentu kon e tim a atendé ku e preparashon pa binida di e mal tempu.

E preparashon a bai bon i danki na Dios ku e tempu no a pasa riba Boneiru.”

Hi Rentals

ta buska

- 1 karpinté finí ku eksperensia
 - 1 metselaar ku eksperensia
- Pa mas inf. tel. 786-3008

Coral Casino Bonaire

ta buska

DEALERS 21+

- *Coral Casino por duna training tambe pa por siña bira Dealer
- *Aplikante mester ta den posishon di un pasport hulandes
- *Mester por dominá e idioma nan: papiamentu-ingles-hulandes i spañó
- *Mester por presentá papel di Bon Kondukta.

Pa mas informashon por pasa personalmente na Coral Casino durante orario di ofisina di djaluna pa djabierne entre 8’or mainta pa 5’or atardi.

Diputadonan satisfecho ku bishita na Hulanda

Tur fondo disponibel na Hulanda mester ta meskos na Boneiru

KRALENDIJK – Kolegio Ehekutivo den su totalidat resientemente a realisá un bishita di trabou na Hulanda. Tur e diputadonan ta satisfecho ku resultado di e bishita. Esaki a sali na kla djárasen atardi momentu ku Kolegio Ehekutivo tabatin un enkuentro ku prensa, pa informá di resultado di e bishita.

Diputado Nina den Heyer di su parti e indiká ku na Hulanda a papia ku esnan ku ta bai tokante idioma di papiamentu. Aprel ku a pasa a papia pa idioma papiamentu ta mas formal. Tambe a atendé e partinan di akohida pa mucha i a papia pa esaki bira grátis. Hulanda ke pa e ta 95 porshento, pero a pusha pa e ta



100 porshento grátis. Tambe a papia di edifisionan, esta skolnan nobo i mas. E parti di kultura kaminda ta bai konstruí un biblioteka

nobo, tambe a haña atenshon. Otro bishita tabata un enkuentro ku Ruwel Eimers, kende tin hopi plan di desaroyo na Boneiru.

bel pa Countur Global.

Transporte públiko

Diputado James Kroon: “Durante nos bishita na Hulanda, mi a papia riba e posibilidat pa mas kaminda pa Boneiru. Tambe e parti tokante klima. A papia tambe riba e asunto di bús pa transporte públiko, esaki di un forma eléktriko. Tambe a bai pa wak kon ta atendé kasnan pagabel pa e siudadano i papia di kosnan ku tin di aber ku deporte na Boneiru.” Durante e enkuentro ku prensa, a puntra diputado Kroon kon ta ku e asunto di pista di dragrace na Boneiru. Di su parti e diputado a indiká ku no a papia tokante e pista di dragrace miéntas tabata na Hulanda.

E sèn ku tin awor disponibel ta bai hasi uso di esaki i despues ta buska mas sèn, momentu kaba loke tin awor.

E preparashon ta kanando i sí tur kos sigui segun plan, na luna di ougùstùs ta kuminsá prepará e área ya konosí na altura di kaminda pa bai Rincon, diputado Kroon a bisa.

Meta

Diputado Hennyson Thielman di su banda a bisa: “Nos a bai pa algun meta i a papia di preisnan ku ta subi na Boneiru kompará ku Hulanda i pa wak kiko por hasi pa regulá esaki. E parti energia i preis ta subiendo, preis di petroli ta subiendo. Ta bai pone fondo pa empresario lokal.” Diputado Thielman a sigui bisa, tiki hende ta hasi uso di esaki. Tur fondo disponibel na Hulanda, mester ta meskos na Boneiru i ku e hende pa yega na dje fásil.

Otro asunto ta esun di bibienda, segun e diputado. Preis a subi debí na e skarsedat ku tin. Preis a subi konsiderablemente i mester atendé henter e asunto aki. A kuminsá atendé tur esnan ku ta hür kas ilegalmente. Tambe ta den proseso pa wak si por bira posibel pa usa e loke tin den tankinan na BOPEC, pa hasié posi-

Fundashon Mariadal is een dynamische zorginstelling op Bonaire. In een Caribisch - Nederlandse omgeving leveren wij zorg- en dienstverlening op Europees - Nederlands niveau aan zorgvragers in de klinische, poliklinische, ambulante- en thuissituatie. Onze ruim 600 medewerkers leveren het overgrote deel van de medische zorg op het eiland.

De Financiële Administratie is een onderdeel van Finance & Control, samen met de afdelingen Planning & Control, Inkoop & Magazijn en Medisch Secretariaat.

Wij zijn op korte termijn op zoek naar een:

Administrateur C met primair aandachtsgebied Crediteuren

Dit ga je doen

- Bewaakt en beheert de crediteurenadministratie;
- Verzamelt en controleert inkomende facturen en vraagt zo nodig ontbrekende informatie op;
- Fungeert als contactpersoon t.a.v. de crediteurenadministratie;
- Onderhoudt contacten met crediteuren en (externe) instanties inzake facturen;
- Draagt zorg voor de periodieke overzichten met namen de maandelijkse analyse van tussenrekeningen/balansposten;
- Draagt zorg voor het boeken van facturen
- Stelt overige financiële analyses op en rapporteert de conclusies naar aanleiding hiervan aan de Teamleider FA;
- Verstrekt informatie aan collega's/afdelingen
- Verstrekt en/of geeft voorlichting aan externe personen/instanties/organisaties
- Verricht functioneel applicatiebeheer
- Neemt deel aan projecten
- Neemt bij afwezigheid van de Administrateur B de administratieve taken waar;
- Geeft aanwijzingen en richtlijnen aan de Administrateur B;

Dit bieden we je

- Fundashon Mariadal heeft goede primaire en secundaire arbeidsvoorwaarden. Denk hierbij aan vakantiedagen, vakantiegeld, kerstgratificatie en pensioenopbouw.
- De functie van Administrateur C met primair aandachtsgebied debiteuren is ingedeeld in functiegroep 40 met een salaris van minimaal \$ 2.434,- en maximaal \$ 3.292,- bruto per maand op basis van 40 uur per week.
- Woon je nog niet op Bonaire, dan vergoeden wij de tickets en de verhuizing. In de eerste twee maanden zorgen wij voor huisvesting.

Dit neem je mee

- Je hebt bij voorkeur een afgeronde MBO-4
- Minstens 2 jaar relevante ervaring
- In het bezit van een Praktijk Diploma Boekhouden (PDB) of een soortgelijk diploma.
- Bedrijfseconomische kennis in soortgelijke functie is vereist en ervaring met het werken geautomatiseerde financiële systemen, kennis van AFAS is een plus, en kennis van relevante wetgeving

En ook belangrijk

- Je werkt zelfstandig en resultaatgericht maar je bent flexibel en kan goed samenwerken in een klein team
- Je bent integer
- Mondelinge en schriftelijke uitdrukkingsvaardigheid in het Nederlands, Engels, Spaans en Papiaments
- Oplettendheid is vereist bij het verzamelen, controleren en verwerken van facturen en financiële gegevens
- Doorzettingsvermogen is vereist voor het tijdig verkrijgen van mutaties gegevens ten behoeve van de administratieve verwerking

Meer informatie

Voor meer informatie over Fundashon Mariadal kun je onze website bezoeken: www.fundashonmariadal.com

Voor inhoudelijke informatie over deze functie kun je contact opnemen met de Teamleider FA mw. M. Joubert via email: mjoubert@fundashonmariadal.org

Solliciteren

Als je je herkent in deze functie, dan nodigen wij je uit om je sollicitatiebrief en c.v. met kopieën van diploma's **vóór 15 juli 2022** te sturen naar: sollicitaties@fundashonmariadal.org

RUMBA B.V.

ta buska

un chef di pizzeria

Pa mas inf. yama **780-4635**

BròKèS 93.5 FM

Tono Positivo, Ritmo Dibertido

STUDIO Telefon & WhatsApp
+599 701 0935

Maneho General;
Djòni Leoneta +599 786 9091

Maneho administrativo;
Ethel Leoneta +599 796 9133
email: 93.5boneiru@gmail.com



Uso energia i awa proyektonan Galileo relativamente limitá

KRALENDIJK – Uso di energia i awa di proyektonan di Galileo ta relativamente limitá i no por kompará nan ku un sentro di data grandi manera na Zwolle. Esaki bosero di ministerio di infrastruktura i maneho di awa, ta kontestá Betty Engelhardt, kende a puntra e ministerio kiko ta e diferencia entre konstrukshon di e stashon di sensor Galileo i sentro di data Galileo.

Engelhardt den su karta ta referí na e publikashon resien ‘krítika riba uso di energia i restu di kayente’. Sentronan grandi di data ketu bai ta mas den polémika,

pasobra nan tin hopi peso riba uso di energia, kaminda ya espasio ta limitá.

Banda di esei, tin preokupashon tambe tokante uso di awa i kiko ta sosodé ku restu di kayente. E sensor di Galileo aki ta bai para netamente riba tereno di WEB. Di kon, pa mesun motibunan, Engelhardt ta puntra.

Engelhardt ta sigui puntra, kon ta pará tambe ku e afspraken aki, tin un rapòrt di esaki i unda por lesa e konekshon.

Den kuadro di inovashon i naturalesa, ministerio di infrastruktura i maneho di awa mester instituí un kom-

ishon den kua RVB, Entidad Públiko, WEB i STINAPA, mester tin partisipashon, ku un meta konhunto pa haña den balansa respèt i atenshon pa naturalesa entre ponementu di e stashon di sensor i huntu kuné e naturalesa presente. Dor di akumulá ekspertisie i pone man huntu, por sòru de paso pa un bon inkorporashon di e edifisio i e ambiente, segun Engelhardt.

Energia neutral

E bosero di e ministerio di infrastruktura i maneho di awa, sin menshoná su nòmber, den su kontesta riba e pregunta tokante e

konstrukshon di e stashon di sensor Galileo i kiko ta e diferencia entre e sentro di data i Galileo, ta indiká ku no tin relashon entre proyektonan di Galileo, GRC-Noordwijk i GSS-Bonaire ku e sentro di data na Zwolle. E uso di energia i awa ta relativamente limitá i no ta komparabel ku un sentro di data grandi manera esun na Zwolle.

Pa loke ta trata GSS-Bonaire, e bosero ta mustra ku tin e ambishon pa ta outosuficiente riba energia neutral, ku energia duradero i pa konstruí den liña ku e maneho di ‘green deal’ di Union Europeo.

Pa loke ta trata uso di awa, ta investigando pa mantené e awa pa bolbe us’è.

Tambe ta investigando pa fangu áwaseru i pa hasi uso di esaki bèk.

E bosero ta indiká ku na e momentu aki no tin rapòrt disponibel den kua ta deskribí e metanan aki. Ta trahando un dokumento di estudio definitivo, den kua ta deskribí e ambishonnan hasi dor di e ministerio di lenW, RVB, Entidad Públiko Boneiru, WEB i STINAPA. Asina ku stipulá e dokumento, esaki lo bira públiko i repartí entre e interesadonan.

Ayo Boekhoudt a biaha ku Air Belgium

Tin mas ruta pa yega Hulanda

KRALENDIJK – Na momentu di biaha pa Hulanda kasi tur hende ta pensa riba KLM òf TUI. Pero tin mas manera, mas ruta, pa biaha pa Oropa i yega Hulanda. Ayo Boekhoudt, boneriano bibá na Kòrsou, a biaha algun dia pasá ku Air Belgium, ku ta bula pa Kòrsou. El a publiká un relato interesante tokante su biahe ku Air Belgium.

“Mi ta gradesido na Dios ku a surgi atrobe otro oportunidad pa bai gosa di un vakashon na un otro parti di

mundu. E biaha aki, despues di algun aña, atrobe e kontinente bieu Oropa ta na bùrt. Mi a skohe pa biaha ku Air Belgium, pasobra mi tin eksperensia kaba di drenta teritorio oropeo via di Bruselas, Bélgika”, Ayo Boekhoudt ta trese dilanti.

Segun Boekhoudt, e mesun doñonan di Sabena tin parti mayoritario den Air Belgium. “Tabata un desishon super bon, pasobra inosentemente m’a skapa di e káos na Schiphol. Masha tempu ningun kompania no

ta baha kabes fásil mas pa e poderoso KLM, ku mas bien tin hopi fama, pero hopi skuma i tiki chukulati. ‘Beenruimte’ bon, bon kuminda i bibida i komfòrt masha tempu a pasa pa historia serka KLM.”

Di akuerdo ku Ayo Boekhoudt, avionnan asina yamá ‘Dreamliner’ i ‘Airbus’-nan moderno ta meskos òf miho ku KLM. “En todo kaso mi buelo i trato tabata ekselente i mi biñanan a kore manera riu durante mi ‘dinner’. Salien-

do despues for di Bruselas mi a hasi mi prome stòp na Eindhoven pa karga energia.”

BONERIANO a pidi

Ayo Boekhoudt, eks-dosente, pa sigui kompartí su eksperensianan di fakansi na Oropa, ku atenshon spesial Hulanda.



E poder destruktur di mentira

E mundu di mentira ta un mundu di sklabilitut, miéntras ku e bèrdat ta hasi nos liber

Maleni Grider

Hende ku ta gaña ta repugná SEÑOR, ma hende konfiabel ta agrad'É..
Proverbionan 12:22

Hopi bia nan ta bisa ku “mentiranan blancas” ta kompasivo. I ta hustifiká hopi piká aludiendo na e hecho di ku nan ta “nesesario” pa alkansá sierto finnan. Den otro palabra: e fin ta hustifiká e medionan. Mentira, bou di e perspektiva aki, por ser relativamente bon òf malu di forma moderá. Pero e mandamentu di Dios ta apsoluto. “Lo bo no gaña” ta un órden, no un sugerensia ni un frase poné na diskushon.

E promé mentira relashoná ku sernan humano a ser kometé pa Satanas, den e Hòfi di Eden. Satanas ta e Príncipe di Mentira, hasidó di tur maldat, kende ta, ta kana rònt manera un leon ku ta grita, buskando hende pa e de-

kontinuashon pag.14

pordoná tur kos. E ta pordoná tur loke mi hasi. I esaki ta yuda mi pordoná ofensanan di e otro.

No semper mi mester bisa e persona ku mi ta pordoná ku mi ta pordon'è. Inkluso pra ta trata di mi esposu, di mi esposa òf di un yu. No ta su tema. E ta di mi. E ta mi pordon. Ta ami ku pordon ta sana, no segun ku podisé no konosé mi herida.

Si mi dediká mi mes na bis'è algu kisas mi por laga esun ku no sa nada heridá. Podisé e mes no konosé e herida ku el a laga den nos. Ta mihó pordon'è den silencio di e alma. **Mester kuida personanan.**

Ounke por sosodé ku mi esposu òf mi yu lo sali bon na sa ku mi a pordon'è. Kisas den algu ku mi a hasi ku nos dos sa ku nos ta separá invisibelmente, manera un traishon. E ora ei si lo mi bis'è. E otro mester sa ku mi tabata kapas di pordoná i ya mi no ta warda renkor.

Pordon ta un proseso i talbes na final mi por bisa e persona ei ku mi ta stima ku ya ta kla, ku Dios a logra e pordon den mi. E kombersashon por ta masha sanador pa e dos partinan.

vorá!” (1 Pedro 5:8-9). E engaño di diabel tabata eksitoso, i e kosto di e kaida di Eva i Adam tabata di a ser ekspulsá di e Paraiso, ademá di hopi otro konsekuensianan.

Beibel den hopi okashon ta papia di e spiritu di mentira, e kual ta kondusí hendenan, i den okashonnan na algun profeta falsu, pa bisa mentira ku diferente propósito, pero tur tin pa motivashon egoismo, pues e persona ku ta gaña ta buska pa optené algu.

1. E mentiroso ta bisa loke ta falsu, p'asina ku nan lo tene duele di dje òf p'asina nan yud'è.

2. E mentiroso ta eksagerá pa laga otronan kere mas di loke e ta, òf ta minimisá pa laga mira lo malu komo no asina malu.

3. E mentiroso ke deshasí di e konsekuensia di akshonnan di piká, i no paga e preis.

4. E mentiroso ta kere di ta mas bibu ku otronan i ta abusá di esnan krédulo; pero no ta sino falta di integridat loke ta ser koloká temporalmente riba otronan, te ora ku su mentira a ser deskubrí i su reputashon ta bini abou.

5. E mentiroso no ta kalkulá bon i ta pensa ku e lo no ser deskubrí, pero lat òf tempran e bèrdat semper ta sali na lus.

6. E mentiroso ta bisa falsedat pa manipulá otronan i saká algun probecho, aunke esaki no sea legal.

7. E mentiroso ta bai na enbolbí su mes den un ret di kua ta masha difísil sali si e no ser pará na tempu. Ningun hende lo por pone su konfiansa den dje, pues e lo no ta digno di dje.

Efesionan 4:22-25 ta bisa: “A siña boso pa pone boso bida di ántes un banda, esta e hende ku boso tabata ántes, ku tabata putri kaba na nada, pasobra e tabata deseá loke ta engañoso. Spiritualmente mester bini un cambio den boso moda di pensa i boso mester biba manera hende nobo, kreá segun imágen di Dios, hende ku ta biba un bida rekto i hustu, inspirá pa bèrdat. Reglanan pa e bida nobo P'esei antó, no gaña otro mas! Boso kada un, pa-

pia bèrdat ku otro, pasobra nos ta miembro di e mesun kurpa.”. El úniko spiritu di bèrdat ta e Spiritu di Dios, e kual a ser primintí na nos pa Hesukristu promé di ser krusifiká, i ku a yega manera un bientu poderoso riba dia di Pentekòster, ayá den Herusalèm, kaminda e disípulonnan i e promé kristianan tabata spera ku pasenshi manera Señor a ordená pa Señor.

Esnan ku ta papia mentira no tin respaldo di Dios, sino ku ta habri e porta pa e enemigu, kende semper ta kla pa drenta, hòrta, destruí i mata. En kam-bio, esnan ku ta ser guiá pa e spiritu di bèrdat ta biba bou di e protekshon i respaldo di Altísimo, ku ta fiel i amante di esnan ku ta ador'É den spiritu i den bèrdat.

E mundu di mentira ta un mundu di sklabilitut, miéntras ku

bèrdat ta hasi nos liber. E mandamentunan di Dios ta pa nos protekshon, i ora nos violá nan e ta trese pa nos gran kantidat di sufrimentu. Mentira ta destruí, bèrdat ta edificá.

Un persona ku ta gaña ta biba angustia konstantemente, e no tin un bon des-kanso; pero esun ku ta bisa bèrdat tin pas den su kurason i ta drumi konfiá.



KITAMENTU DI KORIENTE

Relashoná ku trabounan di inspekshon riba e ret di tenshon haltu, e área abou menshoná lamentablemente lo no tin koriente riba e dia i orario stipulá.

4
YÜLI



8:30AM - 4:00PM

SER'I LORA

Parti di: Seru Loraweg i besindario.

4
YÜLI



9:00AM - 3:00PM

KANGA

Kanga 100 t/k 136 i besindario.

5
YÜLI



9:00AM - 3:00PM

SOUAX

Krusada di Kaya Afghans i Kaya Cruzeiro.

5
YÜLI



9:00AM - 3:00PM

PARADIJS / ROOSENDAAL / GOEDE HOOP / DE SAVAAN / WANAPA / SERI PANCHI PRETU / JUAN HATO / VEERIS / SUKASA / WISHI / SERU FRANCES / KAS CHIKITU

Kaya Virola, Roosendaal 15, 16, 37, Verkavelingsplan Costa Balentina, De Savaan 11 t/k 33, Sukasa 2 t/k 18, 39 t/k 46, Wishi 332 t/k 345, Kas Chikitu 1 t/k 34. Parti di: F. D. Rooseveltweg, Uruguayweg, Peruweg, Juan Hatoweg, Hondurasweg, Ecuadorweg, Chiliweg, Amerikaweg, Floridaweg, Veerisweg.

5
YÜLI



9:00AM - 3:00PM

RIO CANARIO / SUFFISANT

Krusada di Suffisantweg ku Schottegatweg Noord i besindario.

5
YÜLI



9:00AM - 3:00PM

MONTAÑA

Krusada di Cocolodeweg ku Kruisebloemweg i besindario.

6
YÜLI



9:00AM - 3:00PM

CURASOL / ST. MICHEL

Kaya Felpa, Kaya Kanchi, Curasol H-9 t/k H-14, G-1 t/k G-4, G-103, G-104.

6
YÜLI



9:00AM - 3:00PM

SER'I FORTUNA

Parti di: Seru Fortunaweg i besindario.

Nos ta hasi nos máksimo esfuerso pa e trabounan tuma lugá den e tempu stipulá.

Di antemano nos ta pidi diskulpa pa kualkier inkumbiniensia.

Pa keda informá tokante di interupshon riba ret di koriente pa motibu di mantenshon por bishitá nos página di Facebook òf nos website semper bai.

Pa mas informashon por yama Contact Center: 0800-0135 (24/7)



Rekorado na sitionan histórikò di sklabitut

KRALENDIJK -- FuHi-KuBo i School of Performing Arts Bonaire, huntú ku SKAL, a sòru pa un rekorado histórikò den bùs djadumingu. A skohe un ruta ku a pasa na algun sitio importante den historia di sklabitut na Boneiru, kuminsando na e edifisio di SKAL mes, ku den tempu di sklabitut (plantashi di gobièrnu) tabata hòspital di katibu ('slavenlazaret').

Antoin a splika tokante e edifisio aki: "Den tempu di West Indische Compagnie kuido médiko pa nan katibunan tabata hopi malu. Tabata fòrsa nan traha anke nan tabata enfermo. Awor a bira konosí ku na 1756, masoménos 60 aña promé ku e lantamentu na Fontein na 1834, tambe tabatin un lantamentu di katibu, komo protesta hústamente kontra

e falta di kuido médiko. Esaki a tuma lugá na Rincon, meskos ku esun di 1834."

Sentro di Kralendijk

Mas aleu e ruta a inkluí e sentro histórikò di Kralendijk pa mira algun edifisio trahá pa katibunan di rei. Fort Oranje, e edifisio aktual di gobernashon, Kèrki Protestant i e edifisio konosí komo 'landsschool'. Adishonal tokante e último edifisio aki, awendia Cuba Compagnie, tin e echo ku a usa e plaka risibí di benta di e katibu Aldersina Janga (200 florin), pa kuminsá ku su kontrukshon.

Na e sitio aki algun mucha miembro di 'School of Performing Arts Bonaire' a trese un baile riba musik krioyo. Na e kasnan di katibu na Peleké tambe nan tabatin presentashon.

Bòi Antoin na Saliña a konta di e trabou ku katibunan a hasi den produkshon di salu, spesialmente den e periodo di plantashi di gobièrnu, desde 1816.

Salu

Antoin a referí aki na investigashon di John Schermer. Pero Johan Hartog mes tambe ta mostra ku meimei di siglo 19 tabatin e mihó añanan di produkshon di salu nan Boneiru.

Tambe Antoin a referí na investigashonnan di Cees Luckhart, kende a proba ku konstrukshon di e asina yamá 'kasnan di katibu' tabata mas tantu un zèt di propaganda di Hulanda, ku kier a laga mundu mira kon "bon" e tabata trata su katibunan, trahando kas di piedra pa nan biba aden. E konstrukshon aki a tuma

lugá na 1850/1851, 12 aña promé ku a abolí sklabitut.

"Otro kos ku Cees Luckhart, historiadó, a saka'fo ta ku despues ku a abolí komèrsio di katibu, inkluyendo pues ku no por a trese katibu mas for di kontinente afrikano, Hulanda kier a hasi Boneiru, brutu

bisá, un 'fokeiland' pa katibu nobo", segun Antoin.

E ekskurshon den bùs a bai tambe barionan Tera Kòrá i Antriol, ku tambe tin un herensia di sklabitut. Mas aleu a pasa banda di e mangasina di rei di Amboina, ku hopi hende den bùs no tabata konosé."



Surinameñonan a selebrá Ketí Kotí

KRALENDIJK – Surinameñonan bibá na Boneiru a selebrá Ketí Kotí djasabra último pa promé bia den forma grandi. Ketí Kotí ta referí na emansipashon di katibunan na Sürnam. E sitio di selebrashon tabata Zòzò Ranch. Tabata un selebrashon ku hopi muzik, kanto, baile. Pero e parti edukativo tambe a haña atenshon. Bòi Antoin papia tokante sklabilitut na Boneiru.

Na Boneiru tin awor un grupo di algun shen surinameño ta biba. Ta un grupo embolbí den tur sektor di trabou. E proménan a yega for di masomenos 70 aña pasá kaba, manera Erwin Palman, Eugene Tjin Asjoe i Adul ku a traha den industria tekstilero. Algun tempu despues tambe den

enseñansa, telekomunikashon i sektor di elektrisidat (Sandra Salomons i esposa). Pa no lubidá sektor di kuido, ku por ehèmpel partera Stüger, Berénos, Delrosen etc.

“E promé paso pa yega na abolishon di sklabilitut na Sürnam, tambe riba nos islanan, tabata na 1814, aña den kua a bini prohishon pa hasi negoshi di katibu. Na 1834 ku Inglatera a abolí sklabilitut, a kuminsá eksistí hopi pániko serka e hende blankunan den e kolonia hulandes di Sürnam. Nan tabata teme intentonan di huido masal na Guyana britániko. E riu fronteriso Conrantsjok tabata konstantemente bou di vigilansia di un barku di Marina Hulandes. Meskos tabata sosodé ku e otro desemboke di otro

ruinan den laman”, Antoin a splika.

Antoin: “Pero mi no a bini aki pa papia ku boso tokante sklabilitut den boso pais, sino di sklabilitut na Boneiru.”

Aparte di papia riba sklabilitut na Boneiru, Antoin a mishi ku e echo ku masomenos 40 aña despues ku a abolí sklabilitut, na prinsipio di siglo pasá, un grupo grandi di hòmer boneriano a bai traha na Sürnam riba konstrukshon di un trayekto di trein. Na Boneiru mes no tabatin suficiente trabou. Hopi a muri bou di e sirkunstansianan difisil ku nan mes a traha den mondinan di e pais ei.

Antoin: “Awe e situashon a bòltu. Ta surinameñonan ta bin traha na Boneiru.”





MI REKUERDONAN

PA: BÒI ANTOIN



Solamente un tio mi tabatin di parti tata. Joseph Nicolaas, álias Yoshin. E tabata ruman di mi tata di banda di tata. Nan tata tabata Leonardo Antoin. Nan tur dos a nase na 1898. Yoshin a muri den un ak-sidente di tráfiko riba Kaya Korona.



Mi ruman Rosa Semper-Antoin na edat yòn. El a keda biba semper na Boneiru.

8 di Yùli 2022

"Tene kuidou ku hende."
(cf Mateo 10,17a)

Kon ta posibel ku mester tene kuidou ku hende, "e kriatura, kreá na imagen i semehansa di Dios"? (cf Gen 1,26b) Pasobra hende a usa e libertat ku Dios a dun'é, pa hasi maldat. Dios a pèrmiti ku "hende a bira prizonero di su mes desobediensia ..." (cf Rom 11,32) I for di e realidat ei, "hende a peka kontra di Dios i a hasi i ta hasi awe ainda loke ta malu den bista di Dios." (cf Salmo 51,4)

Pero "Dios no ta despresia un kurason kibrá i arepentí ..." (cf Salmo 51,17) Hesus pa medio di mama Iglesia "... ta yama tur hende pa kambia nos moda di pensa i pa biba manera hende nobo, kreá segun imagen di Dios hende ku ta biba un bida rekto i hustu, inspirá pa bèrdat." (cf Efe 4,23-24) "Ban rekonsiliá nos mes ku Señor" (cf 2 Kor 5,20b), pa medio di e Sakramentu di rekonsiliashon i kuminsá un bida nobo yen di legria.



Señor, salba mi. Debolbé mi, mi alegría.
(cf Salmo 51,12)

1L Hos 14,2-10; Salmo 51,3-4.8-14.17;
Ev. Mateo 10,16-23





Monseñor Holterman huntu ku pilánan di misa di Coromoto.

MONCHI & TONCHI

Nina ta 'klein maar dapper'. Parse ku ta gezaghebber e ke bira awor....

Awèl sí. Chikí ku kurashi. Ta p'esei nan ta molestia Sònchi tantu asina.



KOLOFÓN

Editor Bonaire
Communication
Services N.V.

Kaya Irlanda 12,
Tel. 717-8482

E-mail:

extrabon@gmail.com

Wèpsait:

www.extraboneiru.com

Direktor
Shirley Martis
785-3824
796-3824

Hefe di redakshon
Bòl Antoin
786-6818

Redakshon
Armand 'Papi' Antoin
Davienuska Janga
Velli Gijsbertha
Nathaly Evertsz
Edson Pietersz

Ibi Piar (deporte)

Partner na Aruba
Awe Mainta

Partner na Kòrsou
Extra

Layout
Davienuska Janga
Gairo Frans

Aviso
avisobon@gmail.com

DEPORTE

SV Estrellas ku viktoria di 3-2 riba SV Young Boys

KRALENDIJK--E ekipo di futbòl SV Estrellas di Nort Saliña, djárasen último den kontinuashon di kampionato 2022 di futbòl di nos isla 8or anochi na Stadion Antonio Trenidad na Rincon, a gana di SV Young Boys ku tambe ta ekipo di e barío di Nort Saliña, esaki ku skordi 3-2.

SV Estrellas ku e viktoria aki ta bai 13 punto na di 4 lugá den e kampionato, faltando un partido mas di e kampionato regular.

Young Boys ku e derota ta keda ku 11 punto na di 6 lugá den e kampionato, faltando un partido mas di kampionato regular.

Pa loke ta e partido



djárasen último, na di 11 minüt Dangelo Damascus ta hasi e partido 1-0 pa SV Estrellas. Na di 33 minüt ku un tremendo tiru, Sigrel Burnet ta amplia bentaha na 2-0 pa SV Estrellas.

Na di 45 minüt John Salgado ku tremendo tiru ta amplia bentaha na 3-0

pa SV Estrellas, skor tambe ku e partido a parti na dos kuné pa sosiegu.

Di dos mitar di e partido, Young Boys ta haña pinalti i Myron Rombley ta kortá bentaha na 1-3.

Na di 74 minüt di e partido tabata Derrick Lugo ku tremendo tiru liber ta hinka e gol pa Young Boys kòrta bentaha na 2-3.

Esaki ta e skor tambe ku e partido a finalisá kuné den viktoria di 3-2 pa SV Estrellas bai ku e 3 puntonan di e partido. Un total di 189 fanátiko a paga pa mira e partido aki, loke ta bon pa 118 adulto, 39 mucha i 32 fanátiko riba 60 aña. Rèfri ku a dirigí e partido aki ta



Cassius Coffie huntú ku su asistentenan. Un danki na e fanatikada i tambe rèfrinan ku a dirigí e partido.

Riba potrètnan rèfrinan ku a dirigí e partido, e ekiponan i outornan di e golnan di e partido.

Segun manager sr. Jonathan Martijn

Boneiru a buta su stèmpel den torneo beisbòl na Puerto Rico

KRALENDIJK--Den entrevista ku nos tabatin e siman aki ku e manager di nos selekshon U14 di beisbòl Pony League ku a keda di tres lugá na Puerto Rico ku ta sr. Jonathan Martijn, e la bisa ku nan a sòru di hasi un bon papel representando Boneiru.

Momentu ku nan tabata aya na Puerto Rico, nan a sòru tambe di buta un stèmpel, loke sr. Andy Ignacio di Wolf Pack Foundation, tambe a bisa e siman aki den e programa Deporte 99, ku nan a sòru di hunga bon beisbòl.

Solamente e dos promé weganan despues ku nan a kaba yega Puerto Rico, esakinan a mostra un tiki kansansio den e muchanan pa loke ta trata e biahe, pero manera nan a klimatisá, a mira ku nan beisbòl a drecha i nan a kuminsá hasi e trabou manera mester ta.

Remarkabel tabata ku

por ehèmpel nan a hunga kontra e ekipo di kas di Puerto Rico, ku foi dje promé dia, momentu ku nan a hunga kontra Boneiru, nan a kontrolá delaster un papelnan, dokumentonan di nos hungadónan, anke ku nan a kontrolá den kongresio kaba, riba fèlt momentu ku wega tabata bai kuminsá, nan a bolbe pidi passport di tur e muchanan, nan a kontrolá tur nan papelnan ku tabata OK.

For di den e kongresio kaba, nan a felisitá e ekipo di Honduras, Panamá i tambe Boneiru. Nan a felisitá nan pa e manera ku nan a entregá nan papelnan ku tabata na òrdu, pero tòg durante wega nan a bolbe pidi pa kontrolá e papelnan.

Na momentu ku Boneiru a pidi nan papelnan, nan a duna algun dokumento pero sin potrèt.

Gewon bo ta mira e nòmbernan ku e fecha di

nasementu riba dje.

Einan nan a hunga kontra un AOBA ku na final di e torneo manera ya nos a trese esaki dilanti, ora ku nan a hunga kontra e ekipo Mets ku a pèrdè ku skor di 11-1, Mets si a sòru di hasi un protesta kontra AOBA, loke a resultá ku AOBA a hunga ful e torneo ku 7 hungadó di 16 pa 17 aña den un torneo di U14.

Na momentu ku nan a entregá e protesta, nan a pidi e paisnan ku tabata presente na e momentu ei ku no ta Puerto Rico, pa subi bai ariba unda ta skor e weganan, unda tabata presente Boneiru i Panamá.

Nan a kontrolá e papelnan i einan a bin sali na kla ku e ekipo di AOBA tabatin 7 hungadó di 16 aña 17 aña, pa kua mesora e ekipo di AOBA a keda deskualifiká for di e torneo.

Esaki a trese kuné ku a tuma e desishon ku e ekipo

di Mets a titulá kampion, e ekipo di Panamá pa averahe di kareda, 2 pa 3 kareda, nan a sali supkampion, Boneiru a keda na di tres lugá di e torneo.

Anto Honduras di 4 i AOBA outomátikamente a keda deskualifiká for di e torneo.

Te ku na e momentu ei, e direktor di torneo no tabata presente na Puerto Rico, e tabata na Colombia na e momentu ei.

Di parti Boneiru nan a purba asta di hunga un wega semifinal kontra Panamá.

Dikon?

No tabatin wega debí ku awaseru a kai masha duru mes. No tabatin premio pa di tres lugá a disidí ku nan no ta bai hunga e partido ei.

Pero na momentu ku a bin e protesta ku a sali na kla ku AOBA a keda deskualifiká, outomátikamente bo tin ku hunga e

wega pa saka e finalista pa bai final kontra Mets.

Si nan a tuma e desishon pa hunga e wega ei, Boneiru lo a gana e ekipo di Panamá pa difolt, ya ku nèt e mèrdia ei, Panamá su hungadónan, di kua 5 di nan a sali pa bai hunga un kampionato na Mexico.

Boneiru lo a gana di kua tabatin e derecho pa bai hunga kontra e ekipo di Mets pa final.

A bin henter un papiamentu di kua e direktor di torneo ku no tabata presente a bisa ku e no por tuma un desishon siendo no na Puerto Rico, tampoko e no a haña e raport di AOBA, pues henter un papiamentu. Tabatin asta e posibilidat ku Boneiru lo por a hunga e final kontra Mets. Esaki di akuerdo ku informashonnan di e manager di Boneiru ku ta Jonathan Martijn ku a keda di tres lugá di e torneo.

KÒRSOU

Análisis di krímennan di impakto haltu

WILLEMSTAD-- Den e periodo di 27 di yùni pa 3 di yùli 2022, polis a registrá i a analisá e siguiente aktividatnan kriminal.

Atrako

Den e periodo ariba menshoná tabatin tres kaso di atrako. Esakinan a tuma lugá riba respektivamente djamars 10.05'or, djasabra 00.02'or i 13.13'or. Den e kasonan aki e malechornan a hasi uso di arma di kandela, kuchú i forsa físiko. E sitionan tabata Kanga, Kunuku Grandi i F.D. Roo-seveltweg.

Ladronisia di vehíkulo

Den e periodo aki tabatin tres notifikashon di ladronisia di outo. A registrá e ladronisianan na Kaya Calderana, riba lugá di stashoná outo di un su-

permarket i na un adrès riba Seru Loraweg. Den dos kaso a bai ku un Kia Picanto i den e otro a bai ku un Kia Rio.

Kiebro den kas

Polis a registrá kuater kiebro den kas di kua mayoria tuma lugá entre 08.00'or - 12.00'or riba djaluna, djamars, djabièrnè i djadumingu. Malechornan a penetrá dor di fòrsa porta di patras di kas òf porta di kushina. E kiebronan aki a tuma lugá den Camaliaweg, Kaya Abeha, Montaña Rey i Trinidadweg.

Kiebro den negoshi

A konfirmá seis (6) kiebro den negoshi i nan a tuma lugá riba djárasen, djaweps, djabièrnè i djadumingu entre 04.00'or i 06.00'or. A penetrá den e

negoshi dor di kibra dak òf porta. Malechornan a kibra na estableimentunan riba Jan Noorduynweg, Sto. Domingoweg, Corriweg, Pastoor Blommerdeweg, Bullenbaai I Heintje Koolweg.

Kiebro den/na outo

Tabatin kuater kiebro den outo, ku a tuma lugá riba djaluna, djabièrnè i djadumingu entre 21.00'or i 23.00'or. Método ku mas e malechornan a usa tabata di ranka e bùmper dilanti òf kibra bentana di patras.

E sitionan na unda a kibra na e outonan tabata v. Leeuwenhoekstraat, Yotin Kortá i Johan v. Walbeeckplein.

Violensia relashonal

Polis mester a atendé 14 kaso di violensia relasho-

nal, di kua mayoria a tuma lugá durante di henter siman. Mayoria di e kasonan aki a tuma lugá entre 21.00' i 22.00'or.

E áreanan kaminda ku polis mester a duna asistensia pa e tipo di violensianan aki, tabata for di Brakkeput mei-mei te ku Seru Fortuna.

Trio detené pa ladronisia di kabritu

WILLEMSTAD—Djammers último, sentral di polis a dirigí un unidat di Barber pa un tereno na San Pedro unda tres hòmbler tabata hòrtando kabritu for di riba e tereno.

Na yegada di e unidat el a topa dos hòmbler ku un kabritu ku nan a kaba di mata. Un di tres sospecho-so a trata na kore bai pero algun ratu despues a bin enkontr'é den e besindario.

E hòmbleran aki tabata den posishon di un rifel kaliber 22 ku polis a konfiská.

Na e sitio e unidat a detené e hòmbleran sospecho-so D.A.G.O, R.R.H.S. i R.C.W di respektivamente 28, 21 i 27 aña di edat, tur tres nase na Kòrsou.

A presentá e trio dilanti di un fiskal ouksiliar ku a ordená nan enkarselamentu pendiente di mas investigashon.

St. Antonius College a despedí di dos maestro

WILLEMSTAD-- Riba 5 di yùli 2022 yùfrou Germine i Yufrou Shirley a baha ku penshun. E dos dosentenan tabata laborá na St. Antonius College. Yùfrou Germine a kumpli

40 aña i Yùfrou Shirley a kumpli 43 aña den enseñansa.

Sint Antonius College a organisá un Santu Sakrifisio di Misa sorpresa huntu ku Pastor Curtis.

Despues e parti festivo a sigui na kas Parokial Sta. Maria.

Un selebrashon bon meresí mirando tur e añanan ku e maestronan aki a dediká na enseñansa.



ARUBA

Prome Minister Evelyn Wever-Croes:

"Bunita pa mira tur e hobennan cu a gradua"

ORANJESTAD - Prome Minister Evelyn Wever-Croes tabata presente na e graduacion di studiantenan di EPB, representando Minister encarga cu enseñansa y henter Gobierno di Aruba.

E anochi di graduacion tabata hopi special pa tur esnan cu ta gradua pero alabes ta un bunita ocasion pa mira tur e hobennan cu ta graduando di Educacion Profesional Basico unidad servicio. Cada un di e hobennan ta formando nan

propio futuro y haciendo esaki ta forma e futuro di Pais Aruba. "Boso a scoge pa e profesion di duna y brinda servicio, sea ta den horeca, cuida of 'dienstverlening'. Educacion ta e pilar y e base firme y fuerte den cada un di nos bida y awe bo ta mira cu tur esfuerso y sacrificio ta duna su fruto."

Prome Minister a conseha cada un graduado pa semper keda enfoca riba nan meta y no laga nada kitabo for di bo meta. Fiha

locual cu bo ta desea y bay pe cu positivo y fe cu bo lo logra. Pa conclui, Prome Minister a gradici henter e staff y docentenan cu a guia tur estudiante pa yega na e exito di awe y tambe tur mayor y famia cu a yuda tur e studiantenan pa gradua y logra nan meta. Y na tur e graduadonan Premier Wever-Croes a bisa: Nunca lubida ken y con hopi nan a yudabo. Hopi exito den etapa nobo y "Be the best that you can be y asina nunca lo bo arepenti".



Den cuadro di proceso di cambio di edificio cu Bohama

Gobierno ta den proceso di balorisacion di ex edificio di aduana

ORANJESTAD - Manera cu ta conoci, Gobierno di Aruba ya pa algun tempo caba hunto cu Bohama ta trahando riba un swap/cambio di edificio. Esaki ta encera cu Bohama ta haya e edificio bieu di Aduana cu tin den centro di ciudad y a cambio ta construi un edificio nobo pa henter e Cuerpo di Aduana na Barcadera.

Prome Minister Evelyn Wever - Croes ta splica cu esaki ta un proyecto cu ta trahando riba dje ya pa un tempo caba y cu e siman aki a firma un 'addendum' na e declaracion di intencion cu tabatin, pa duna Bohama y Pais Aruba 6 luna mas di tempo pa finalisa e deta-

yenar.

Un bon 'taxatie' mester tuma lugha di e balor cu e edificio di Aduana tin aworaki den centro di ciudad y tambe su balor den futuro. Prome Minister ta splica cu esaki ta importante pa motibo cu e edificio bieu ta situa na un lugha hopi prominente, cu den futuro lo tin un balor hopi mas halto compara cu locual cu e tin awor.

Banda di esaki, mester haci un bon balorisacion di e edificio nobo cu ta bay wordo traha pa Aduana na Barcadera. Pa asina por compara e dos nan hunto y mira si no tin uno cu un balor dimas of di menos.



Si e balor di ambos edificio no ta igual y por ehempel Gobierno duna Bohama un edificio cu tin mas balor compara cu locual cu nan ta traha pa Pais Aruba, eorey tin locual cu ta yama 'schenking', pa cual lo mester bay Parlamento. Pero si ta dunando Bohama un edi-

ficio cu ta di igual balor cu locual cu nan ta bay traha pa Pais Aruba, bo ta den un otro situacion, Prome Minister a splica. Esaki ta situacion actual di e proceso cu ta tumando lugha awo, unda cu a firma pa continua cu e negociacionnan aki pa e siguiente 6 lunanan, pa por

tin un mihor bista di e proceso di balor di e edificionan. Consecuentemente lo por informa Parlamento di e situacion (Parlamento a pidi e informacion aki) y pa despues finalisa e acuerdo cu ta bay tin entre Bohama y Pais Aruba, Prome Minister a termina bisando.

Glenbert Croes:

“Unico cos cu por bisa di nos ta cu nos ta semper cla pa yuda hende”

ORANJESTAD -- Parlamento a trata e ley di FASE dialuna ultimo, e asistencia social cu a yuda hopi mama, tata di famia pa por tabatin pan riba mesa den tempo di e calamidad di pandemia.

tur cu a biba su consecucionan den carni y weso, ora cu Aruba a bay den lockdown cu a ocasiona un shutdown total, unda cu a pronostica cu 37 mil mama y tata di famia lo perde nan trabou.

Durante e reunion dialuna ultimo, oposicion a vota contra FASE y locual cu por constata ta cu a esunnan cu a vota contra FASE ta pasobra nan no a biba e necesidad y dolor di un pueblo den calamidad. Es mas, tur esunnan cu a vota contra FASE no a pasa necesidad

den lockdown. Nan no a biba cu dolor di nos pueblo pasobra nan tabatin e luho di e confortabilidad di nan hogar. Y dialuna ultimo, sin consenshi algun a vota contra tur e 12 mil y pico homber y muher cu a haya FASE.

Nan a acusa Minister Glenbert Croes di fraude y corrupcion. Transparencia ta hustamente locual cu e mandatario a brinda, entregando tur rapport di Centraal Accountantsdienst cu durante henter e proceso di FASE a pidi pa asistencia di y tabata den consulta continuo cu departamento huridico. Ta minister Glenbert Croes a pidi CAD pa bin haci un sondeo di proceso pa yuda FASE helpdesk haci e otorgacion di



FASE mas sigur.

Tur 10 parlamentario di AVP, MAS y ACC21 cu a vota contra FASE dialuna ultimo: a wak nan cara den pandemia? A wak nan cara durante crisis? A wak nan cara e dos añanan di COVID? NO! Nan a keda scondi, pa necesidad di nos pueblo y awe riba dje ta vota contra FASE, contra e mama y tata di famia cu

a biba e necesidad y desespero di a perde entrada/trabou un dia pa otro.

Awe nan kier a tilda e mandatario di fraude y corrupcion, awe nan kier insinua cu Minister Glenbert Croes a haci politica cu FASE? Manera e mandatario a expresa: “E unico cos cu ken cu ta por bisa di dje ta, di ta semper cla y dispuesto pa yuda e prohimo.”

E mandatario ta gradici Fraccion di MEP y RAIZ cu a muestra nan convivenencia humano y ta rechasa enfaticamente e politica personal di interes partidista di AVP, MAS, ACC21.

Cu den e proceso cosnan por a bay miho, sigur! Pero nos a drenta un crisis sin precedente pa cual no tabata existi un manual. No

tabatin un werkboek con pa implementa y ehecuta un FASE, e asistencia financiero cu niun caminda na mundo a existi.

Hasta IMF a reconoce Gobierno di Aruba pa su swift reaction den creacion y implementacion di FASE cu a scapa capital humano, pues bida humano. Laga nos no lubida loke a pasa na paisnan cerca di nos unda tabatin sakeo ta tumando lugar.

Laga nos ta agradecido pa e forma con Gobierno a atende cu e crisis, cu e humanidad y Convivencia cu nos Gobierno a atende cu nos pueblo cu ayudo di FASE, Loonsubsidie, MKB y ayudo via Fundacion pa nos Comunidad y Cruz Cora.

WEB, Elmar y Utilities bek na mesa

ORANJESTAD - Recientemente pueblo a wordo informa a traves di comunicado di WEB cu tarifa di awa lo aumenta, pa cual Minister encarga cu Energia Glenbert Croes a informa durante cu ta rechasa e decision aki. Como accionista di Utilities y Utilities como accionista di WEB mester suspende e decision ey cu a wordo tuma y e anuncio cu a wordo haci. Teniendo na cuenta cu ya caba costo di bida ta demasiado halto y awa y coriente ta necesidadnan basico.

Minister Croes a splica cu pa 7 luna largo (desde cu e hedging a termina) a pidi WEB y Elmar pa pa nan absorba e impacto di e aumento di prijs. Alabes ta compronde cu awor aki nan

ta den un situacion super dificil y nan no por keda absorba esaki mas. Awo e pregunta ta, si ta bay aumenta prijs di awa y coriente, con ta bay haci esaki y den ki forma lo haci esaki.

“Fin di añanan ‘90, mi mes tabata e minister encarga cu utilidad y e tempo ey nos a bin cu e estructura di tarifa cu tin te dia di awe. E estructura ta encera cu esun cu ta haci uzo di tiki awa ta paga menos pasobra e ta uza menos. Pues e estructura ta premia esun cu ta haci uzo di awa den forma consciente,” Minister Croes a splica.

Aworaki ta den un situacion cu ta compronde e situacion precario di WEB y Elmar pues ta compronde cu un aumento mester bin.

Pero, esaki mester bin di tal forma cu esnan cu ‘schouder hanchu’ lo tin cu paga mas, y mester tene cuenta cu e situacion di e grupo cu no tin.

Pa locual e estructura di tarifa, tambe mester tene cuenta cu situacionnan unda cu por ehempel algun famia a bay biba hunto pa motibo di necesidad.

Den e casonan aki, si mira solamente nan consumo/uzo esaki por crea e impresion cu ta un famia cu por paga mas. Mientras cu e realidad ta, cu ta pa necesidad nan ta biba hunto y no por sobrevivir riba nan mes.

Minister Croes a splica cu teniendo e tipo di situacionnan aki na cuenta, Departamento di Asuntonan Social (DAS) mester wordo

involucra (a dialoga cu e Minister encarga).

Asina lo evita cu e tipo di casonan aki ta cay den un estructura di tarifa sin cu ta tene cuenta cu nan situacion social. DAS lo mester haci un ‘intake’, verifica y constata e situacion social, pa despues referi e casonan aki na WEB y Elmar pa nan por cay den un categoria di estructura di tarifa socialmente husto.

Minister Croes a confirma cu Ministerio encarga cu Energia, Ministerio encarga cu Economia hunto cu Utilities, WEB, Elmar y diferente departamento, ta trahando hunto pa mira con por traduci e aumento cu mester bin, den e forma di mas husto.

Hecho ta cu energia al-

ternativa ta fundamental, y pesey ta importante pa e proyecto di Eagle LNG no tin retraso, Minister Croes a enfatisa. Concluyendo Minister Croes a bisa, cu tin speranza cu e expertonan ta keda cla otro siman, pa e ora ey por haci e anuncio.

Ta reconoce cu no por pone futuro di nos empresanan estatal WEB, Elmar y Utilities na peliger. P’esey e enfasis ta keda riba con lo introduci e aumento di tarifa, teniendo cuenta pa e ta socialmente husto.

“E ta un decision cu ningun hende kier tuma, pero e decision aki mester wordo tuma na interes general cual ta inclui interes di e empresanan tambe”, Minister Croes a terminda bisando.

Den 4 aña Aruba a importa mas di 8 biyon na mercancia

ORANJESTAD -- Oficina Central di Estadistica tin algun cifra interesante cla di e prome kwartaal pa loke ta comercio internacional di Aruba. Den un di nan publicacion por a lesa cu den e periodo di januari, 2017 te cu maart, 2022, e importacion pa area di circulacion liber di Aruba y Zona Liber, a registra un balor total di 8.1 biyon florin. Un suma toch grandi pa un isla chikito manera Aruba.

Pa loke ta datonan di e aña’ki, importacion pa areanan di liber circulacion

na aruba, den termino di balor, a registra un aumento di 40.5% (535.8 miyon florin). Esaki ta pa e prome kwartaal di 2022. Esaki si haci un comparacion cu e prome kwartaal di 2021 ora cu e balor den florin tabata 381.3 miyon florin.

Den e periodo mencionada, tur e 20 seccionnan di mercancia a registra aumento. E aumento di mas grandi a wordo registra den e seccion di “Machinery & electrotechnical equipment (nobo y restaura) y cu tabatin un balor di Afl. 21.8 miyon. Esaki a wordo princi-

palmente causa door di un aumento den e categoria di “Reactors, machinery and mechanical appliances” (Afl. 16.4 mln).

Di otro banda, exportacion for di area di circulacion liber, den termino di balor, a registra un aumento di 14.3% den e prome kwartaal di 2022 (Afl. 13.5 mln) compara cu e mesun periodo di 2021 (Afl. 11.8 miyon). E aumento di mas grandi por ser mira den e seccion di “Transport equipment” (Afl. 1.6 miyon), cual ta principalmente causa pa un caida den e ca-

tegoria di “Ships, boats and floating structures” (Afl. 1.3 miyon).

A constata cu mayoria di e importacionnan aereo cu ta mas cu 300 mil florin

a bini for di Europa den e prome kwartaal di 2022.

Di e mercancianan cu a bini via barco, mayoria tabata procedente di Merca.

**Pa info i komunikado den
Extra/BONERIANO,**

USA MAIL:

extrabon@gmail.com

Pa aviso

USA MAIL:

avisobon@gmail.com

STATIA/SABA/ST. MAARTEN

Akuerdo di kuido entre Eye Care Optical Saba i ZJCN

THE BOTTOM-- Akuerdo di kuido entre Eye Care Optical Saba i ZJCN ta na vigor bou di mesun kondishonnan i ta keda na vigor te ku 31 di desèmber 2022.

Den konsulta ku ZJCN a disidí ku Eye Care Optical Saba ta keda e úniko i pues number 1 óptika i optometrista pa aseguradonan di ZJCN na Saba. Eye Care Optical Saba a identifiká

opstákulonnan pa operashon ku ZJCN lo analisá i si esaki ta posibel, presentá solushonnan pragmátiko.

Eye Care Optical Saba tin pèrmit di ZJCN pa ahustá su orarionan, basta esaki no kousa efektonan di kuido desbentahoso pa aseguradonan di ZJCN. Te ku 31 di ougùstùs 2022, orario di Eye Care Optical Saba ta: di djaluna te ku djabièrnè

di 8'or di mainta te ku 4'or di atardi. Despues lo ahustá e dlanan i orario segun nesesidat. E ofisina di Eye Care Optical Saba ta situá na Breadline Plaza, Windwardside, Saba. ZJCN ta kontentu di por sigui ku e kolaborashon ku e personal di Eye Care Optical Saba, pa asina por brinda kuido efisiente i nesesario na komunidad di Saba.



Tópiko di diskriminashon atendé pa Saba Youth Council

Rasismo i diskriminashon

SABA – Rasismo i diskriminashon ta biba na Saba. E tópiko aki a bini dilanti den diskushonnan na Hulanda e siman aki durante un bishita ku Saba Youth Council ta realisando na Hulanda. Den e kuadro aki nan tabata djamars na Kon-

seho Munsipal di Utrecht pa topa ku e pènel di hubentut di Utrecht, Young Minds Utrecht, miembronan di Konseho Munsipal i sekretario di Relashonnan den Reino Alexandra van Huffelen.

Vernisha di Saba Youth

Council a papia tokante e tópiko di rasismo i diskriminashon na Saba. “Esaki ta varia for di e restunan di nos pasado kolonial i historia di sklabilitut, tantu na nivel lokal komo nashonal. Tin hopi rasismo sistemátiko i institushonal na Saba.

Esaki mester di mas konsiensia.”

Vernisha a sigui splika ku basá riba bo koló di kueru òf bo fam, bo ta haña privilegio i aksesio spesial riba e isla.

Ta tristu pa bisa, pero esaki ta nifiká ku mi aksesio

ta ménos. Esaki ta tradusi su mes den poseshon di bibienda, negoshi, plaka i empleo.”

Mas aleu den su presentashon Vernisha a mostra riba e kosto di bida haltu riba e isla mas chikitu di BES.



Miembronan di Saba Youth Council e siman aki durante nan bishita na Utrecht, na unda nan a topa tambe ku sekretario di estado Alexandra van Huffelen.

STATIA/SABA/ST. MAARTEN

Saba Youth Council a bishitá Utrecht

Enkuentro ku sekretario di estado Van Huffelen

SABA – Saba Youth Council ta realisando un bishita di trabou na Hulanda. Den e kuadro aki nan tabata djamars na Konseho Munisipal di Utrecht pa topa ku e pènel di hubentut di Utrecht, Young Minds Utrecht, miembronan di Konseho Munisipal i sekretario di Relashonnan den Reino Alexandra van Huffelen.

Den kompania di nan mama i coachnan Lauren Risley i Gerald Simmonds-de Jong, e seis miembronan di Saba Youth Council, Billie Jean Rodriguez, Jade Every, Amanda Clarke, Zakiya Lage, Vernisha Robinson i Bernardo Baker a akudí na Konseho Muni-

pal di Utrecht tra'i mèrdia, ansioso pa topa nan koleganonan di Utrecht, miembronan di Konseho Insular i Van Huffelen.

Seis miembro di Young Minds Utrecht, Anisa, Abe, Tom, Barteld, Serge i Adna, nan coach Jennifer Lekkerkerker i Mieke Tiwon di Munisipio di Utrecht, a risibí e delegashon di Saba.

E hóbennan a konkluí ku anke nan ta bini fo'i diferente parti di mundu, nan ta kompartí mas similaridat ku diferensia. “Nos a papia riba loke nos tur ta hasi. Nos tur ta organisá evento pa hubentut, pero na Saba nos ta traha mas tantu ku proyekto, miéntras ku nos ta traha mas tantu ku

maneho”, Anissa di Young Minds Utrecht a bisa.

Despues di un tour den e edifisio di Konseho Munisipal di Utrecht e gruponan a duna un presentashon kòrtiku. Nan ta haña ku mester tuma nan mas na serio i skucha nan bos.

Abe di Young Minds Utrecht: “Nos tur tin mesun ‘issue’, esta adultonan ku ta duna nos konfiansa falsu. Nan ta usa nos solamente ora di saka portrèt. Na momentu ku nos papia, por ehèmpel tokante tópikonan di edukashon, hende ta sinti ku nos ta reklamá i keha.”

Billie Jean, Amanda i Vernisha a tene un diskurso kòrtiku den sala di reunion di Konsehlo Munisipal di



Utrecht, den presensia di sekretario di estado Alexandra van Huffelen, konsehal Stevie Jane Nolten di e partido BIJ1 i Ruud Penders di CDA.

Billie Jean a proponé pa hasi e bishita di Youth Council i posiblemente konsehonan di hubentut di e otro islanan hulandes un tradishon anual, tambe pa

organisá un kompetensia di debate interinsular anual. “Esaki por ta un oportunidat eksitante pa interakshoná mas tantu ku otro hóbennan den reunion.

Pa logra e soño aki den forma sostenibel, ta eksigí kambio di mentalidat, presupuesto struktural i kompromiso”, Billie Jean a bisa.

VKS a selebrá 25 aña di eksistensia



Kuerpo Boluntario di St. Maarten, VKS, a selebrá 25 aña di eksistensia dia 2 di yùli. Pa konmemorá e echo signifkativo aki, tabatin un evento ku a konta ku presensia di dignatarionan di e pais. Tambe a duna rekonosementu na diferente miembro di e kuerpo ku atraves di e 25 aña di eksistensia a duna aporte den kaso di kalamidat i otro susesonan kaminda nan presensia tabata nesesario.



Mas hóben boneriano ta slag

DEN HAAG/KRALENDIJK—Sigur por nota ku nos ta den fin di aña eskolar i ku hóbenan den nan último aña, ta risibiendo re-

sultado final. Esaki te kaso tambe aya na Hulanda unda dos hoben boneriano a slag pa ICT nivel 4 di MBO na Den Haag. Ta trata aki

di Gyairon Martis i Denzel Marchena. Nan tabata alumno di e skol Mondriaan. Di parti BONERIANO masha pabien



Deneesha Thomas a kanta huntu ku su tata

KRALENDIJK -- Deneesha Thomas, huntu ku su tata Dennis, a pèkurá pa un bunita kantika dediká na graduadonan di MBO 1 i PRO 5.

Dennis no ta un deskonosí den e mundu di kantamentu. Aparte di Deneesha, tur e yunan ta un artista. Kantamentu òf

dominamentu di un instrument, ta den nan benanan. Deneesha a kuminsá kanta for di chikitu i for di 2013 e ta aktivo ku kantamentu den publisidat, loke e gusta mashá.

Riba e atardi di entrega di diploma, Deneesha a demostrá su talento kantando ku su tata.



SCAN ME

Bo por skèn e kódigo QR aki ku e kámara di bo smartphone pa bai na Página di **IGLESIA UNIVERSAL BONAIRE**. Lo bo konektá ku nos kanal di Youtube, Facebook, Instagram, korant digital i hopi mas...

UNI-K



2.0T
TURBOCHARGED
ENGINE



390Nm
MAX TORQUE



AUTO
8-SPEED
TRANSMISSION



FOUR
WHEEL- DRIVE



12.3" TOUCHSCREEN
W/ VOICE CONTROL



21-INCH
SPORT WHEELS



360-DEGREE
CAMERA



HIDDEN
DOOR HANDLE

\$36,995
introductory price



CHANGAN AUTO

dabboussi
motors

UP TO **5**
Year Warranty

f /dabboussimotors

786.6662